



Broj : 10/E-11-1082/25  
Sarajevo: 19-02-2025 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a u skladu sa zahtjevom Službe za opću upravu od 13.02.2025. godine, Opštinski načelnik d o n o s i :

## **O D L U K U**

### **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzima se nabavke matičnih knjiga i ostalih obrazaca, u skladu sa članom 10c. stav (5) Zakona o javnim nabavkama.

#### **Član 2.**

Procijenjena vrijednost roba iz člana (1) ove Odluke bez PDV-a iznosi ukupno 90.000,00 KM, a sredstva su planirana u Budžetu Općine Centar Sarajevo za 2025. godinu, na budžetskom kontu: 613488. JRJN: 22820000-4 Obrasci.

#### **Član 3.**

Ova Odluka stupa na snagu danom donošenja, i ista će biti objavljena na web stranici Općine Centar Sarajevo.

## **O b r a z l o ž e n j e**

Na osnovu zahtjeva Službe za opću upravu od 13.02.2025. godine za donošenje odluke o izuzeću od primjene Zakona o javnim nabavkama za sklapanje ugovora za nabavku matičnih knjiga i ostalih obrazaca, Kabinet općinskog načelnika – Odsjek za javne nabavke predlaže odluku o izuzeću. Ukupna vrijednost predmetne robe bez PDV-a ukupno iznosi 90.000,00 KM.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi Zakona o javnim nabavkama, gdje je definisano:

„(5) Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.

Prema navodima iz dostavljenog zahtjeva, predmetna roba se može nabaviti isključivo od Federalnog ministarstva unutrašnjih poslova, u skladu sa odredbama Zakona o matičnim knjigama i podzakonskim propisima za predmetnu oblast.

Vlada Federacije Bosne i Hercegovine je na 42. sjednici, održanoj dana 16.10.2024. godine donijela Odluku o utvrđivanju cijene matičnih knjiga, izvoda iz matičnih knjiga, uvjerenja o državljanstvu i vjenčanog lista, V. broj 1571/2024 od 16.10.2024. godine. Za realizaciju ove odluke zaduženo je Federalno ministarstvo unutrašnjih poslova.

Kako je predmet nabavke roba koja se može obezbijediti od Federalnog ministarstva unutrašnjih poslova, utvrđeno je da su ispunjeni svi propisani uslovi: - ugovorom se ostvaruje saradnja između subjekata u javnom sektoru (Općina Centar Sarajevo i Federalno ministarstvo unutrašnjih poslova) s ciljem osiguravanja javnih usluga koje se pružaju radi ostvaranja njihovih zajedničkih ciljeva; - saradnja je uspostavljena isključivo na osnovu potreba vezanih uz javni interes; - ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Sa Federalnim ministarstvom unutrašnjih poslova zaključit će se ugovor za predmetnu robu, za čije će praćenje i realizaciju biti zadužena Služba za opću upravu, koja će dostavljati podatke o utrošenim sredstvima Kabinetu općinskog načelnika – Odsjeku za javne nabavke radi prijave u sistem „e-nabavke“.

U skadu sa članom 18. stav (1) i (2), a u vezi sa članom 10c. stav (5) Zakona o javnim nabavkama, kojim su propisana izuzeća od primjene odredbi Zakona o javnim nabavkama, utvrđeno je da su ispunjene pretpostavke za donošenje ove Odluke.

Analizirajući predmetni zahtjev, utvrđeno je da su ispunjene pretpostavke za realizaciju navedenih roba, odnosno da su finansijska sredstva za ove namjene obezbijeđena u Budžetu Općine Centar za 2025. godinu, na budžetskom kontu: 613488.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneci prethodno navedeno Opštinski načelnik je donio Odluku kao u dispozitivu.



#### Dostaviti:

1. Službi za opću upravu
2. Kabinetu općinskog načelnika – Odsjeku za javne nabavke
3. Službi za finansije
4. Evidenciji